



Zäitschrëft vun de Lëtzebuurger Guiden a Scouten

schwätz mat!
DENG MEENUNG ZIELT

De Platte Knuet

N°1 2016-2017



Käler Avex




Scouts Welcome Refugees

Gitt dir och aktiv!



Scoutstechniken

Poster mat Kniert



Wanterzäit

Iddie fir Aktivitéiten am Wanter



Ee grouse Merci un eis Sponsoren



ROIHU 2016 FINNJAMBOREE VII

Gamma-Scouten

feat. Young Caritas



Young Caritas ass ee Service vun der asbl Caritas Jeunes et Familles a mir bidden jonken Leit eng Plattform mat ville Méiglechkeeten, sech benevole ze betätigen. Sou kënn et och, dass mir eng ganz Rëtsch ënnerschiddlech Projeten offréieren. Jonker engagéieren sech bei eis souwuel an de Kolonien zu Lëtzebuerg, wéi och am Ausland, am Jugendtreff Moskito an der Stad op der Gare, beim Spillmobil, wat uechtert ganz Land ënnerwee ass an natierlech och bei engem vun deene sëllege Projets Solidaires, wou mir si ënnerstëtzen selwer aus eegenen Iddien een konkrete Projet ze maachen.

Fir dass eis Benevole flott an ofwiesslungsräich Aktivitéite plangen an duerchféieren kënnen, wëlle mir hinnen e gudde Start erméiglechen. Mir bidden méttlerweil all Brevet vum Animateur, vun A bis E, un. Do kréien si souwuel een Deel theoreteschen Know How mat op den Wee, wéi och Méiglechkeet éischt Erfahrungen a villfältige Beräicher ze sammelen.

Op ville vun eise Kolonien an Aktivitéiten huelen och Kanner a Jugendlecher mat enger Beanträchtegung deel. Domadder eis Moniteurs hei e bëssen drop virbereet sinn, fënnt en Deel vun dëser Formatioun zesummen mam Grupp Pierre d'Aspelt "Gamma-Scouten". Dëst ass fir eis jonk Moniteurs oft déi éischt Méiglechkeet, wou si Erfahrungen an dësem Beräich sammelen an inklusiv schaffen. Och Beräierungsgängscht ginn hei ofgebaut.

Mir verstinn ënnert Inclusioun, dass eis Aktivitéiten engersäits fir jiddereen oppen sinn (Mënschen mat enger Behënnerung, sozial benodelegt Kanner, Flüchtlingen ...) an anerersäits wëllen mir och ganz bewusst ënnerschiddlech Leit zesummenzefeieren. An dëse Situatiounen striewe mir een ureegenden Austausch un, wou een vun deem aneren léiere kann an et eng Beräicherung fir jiddereen duerstellt.

Am Grupp Pierre d'Aspelt - Gamma vun der LGS, mat Wëllefcher an Avex, kënnen Kanner an Jugendlecher mat engem staarke kierperlechen oder geeschtegen Handicap, Moos geschneidert Scoutsaktivitéiten erliewen. Eng flott Oweveillé, en Atelier fir eppes ze kniwelen, grousst Spiller dobaussen, jo souguer zesummen am Zelt schlofen ... alles wéi an all aner Scoutstrupp, just dass et eben op d'Fähigkeeten an besonnesch Besoine vun dëse Kanner an Jugendlechen adaptéiert gëtt.

Um Formatiounsweekend vum Brevet C fir Animateuren vun Young Caritas geet et, no engem kuerzen theoreteschen Deel, wou mir op déi verschidde Behënnerungen, Ursaachen an Auswierkungen aginn, weider mat prakteschen Beispiller. Wie weess wéi een e Rollstull eng Trap rop hält, Hëllefsmëttel wéi Handschinn oder Korselett oundeet a wéi gi Spiller adaptéiert, eng Aktivitéit ëmmodeléiert, en Atelier ugepasst?

Während deenen zwee Deeg koum dann och dat praktescht Ausprobéieren net ze kuerz. Am Virfeld si Besonneschkeeten vun den Gamma-Scouten souwéi déi praktescht Detailer vum Oflaf nach téschen den Gamma-Chefen an den Animateuren vu Young Caritas beschwat ginn. Du war et awer un hinnen fir sech auszuprobéieren an si hunn souwuel eng Oweveillé duerchgefouert wéi och en grousst Mëttespill animéiert.

Bieles, Belval, Houwald,
Réiserbann, Jonglënster
70 Leit aus Lëtzebuerg



Chefekipp vum Grupp Pierre d'Aspelt

Mat e bëssen Uleedung ass et hinnen guer net esou schwéier gefall *Spilliddeen unzepassen souwuel un déi kierperlech wéi och geeschteg Fäegkeete* vun den Gamma-Scouten. Sou grouss sinn d'Ënnerscheeder fir Animatioune fir en Grupp validen Kanner an Jugendlecher zu den Gamma-Scouten guer net. Ganz viles wat eis benevole Animateuren schonn geléiert haten an aneren Aktivitéiten ausprobéiert hunn, konnt hei och agesat ginn.

Säit elo schonn 3 Joer gëtt et dës Zesummenaarbecht zwëscht den Gamma-Scouten an Young Caritas. Mir erliwen ëmmer rëm, dass eis Leit an der Formatioun iwwert sech erauswuessen. Si hu ganz séier den Trick eraus, wéi een flott an ugepassten Aktivitéiten fir Kanner an Jugendlecher mat Beanträchtegung plangen an duerchféieren kann. Och wann duerch déi ageschränkt Mobilitéit oder eng geeschteg Behënnerung vun den Gamma-Scouten am Ufank villäicht e puer Hemmungen bestanen hunn, dann ginn dës awer séier wett gemeet duerch d'Freed an Motivatioun fir iwwerall matzemaachen vun de Kanner an Jugendlecher.

Wann een am Virfeld de Chalet souwéi den Terrain fir Spiller e bëssen geschéckt eraussicht, seng Scouten kennt mat allen hiren Eegearten, dann ginn et *keng Grenzen fir och hei flott an typesch Scouts-Aktivitéiten* unzebidden.

Merci un all Gamma-Scouten, Kanner, Jugendlecher an hier Chefen, dass eis Animateuren all Joer bei lech esou gutt opgeholl ginn an hei wäertvoll Erfahrungen kënnen maachen. Do verwonnert et jo och net, dass et ëmmer méi Leit ginn déi sech esouwuel bei Young Caritas wéi och bei de Gamma-Scouten engagéiere wëllen.



Well „Zäit ze verschenken“ villerlee Gesichter huet, kanns Du dech gärén bei den Gamma-Scouten oder och Young Caritas mellen:

www.gamma-scouten.jimdo.com

Kontakt Wëllefcher: Marc Molitor molitor.marc@yahoo.com, 691 817 027

Kontakt AvEx: Marie Degée tel: mdegee@hotmail.com, 26 65 24 99

www.youngcaritas.lu

Kontakt info@youngcaritas.lu, 36 74 68 - 1

Zitater vun den Animateuren:

Amandine: „Besonnesch beréiert huet mech den Attachement vun de Kanner, déi engem schonn no engem Weekend un Häerz wuessen“

Axel: „Beréiert huet mech d’Affektioun déi d’ Kanner fir verschidden Leit weisen“

Axel: „Bei den Aktivitéite muss een méi präzis erklären, eventuell virweisen an och den Schwierigkeetsgrad upassen“

Amandine: „Et dierf een Beréierung net fäerten an muss een op d’Kanner zougoen“

Camy: „Sidd net schei an fäert Proximitéit net“

Noémie: „Besonnesch beréiert huet mech, wéi frou d’Kanner sinn an wéi vill Spaass si am Liewen hunn“

Nathalie + Taz

Formatricen bei Young Caritas

NEIE CHALLENGE

Du bass oder wëlls gärén Chetaine/Chef ginn, hues allerdengs wéinst schoulesche respektiv berufleche Verpflichtungen net all Woch d’Méiglechkeet an engem Grupp eng Versammlung ofzehalen.

Du bass awer motivéiert, wëlls weiderhin aktiv bai den LGS bliwen an häss all 6-7 Wochen Zäit op ee Weekend matzagoen.

Dann mell dech w.e.g bai de Gamma.

Mir brauchen dringend nei Cheftainen a Chef fir eisen Wëllef an Avex och weiderhin flott an attraktiv Weekender kënnen unzebidden.

Gruppecheftaine: Marie Degée, Tel.: 26 65 24 99

Gruppechef adjoint: Marc Molitor (Mini), Tel.: 691 817 02